

SIARAN AKHBAR

Tabung Haji Anjur Kursus Perdana Haji Musim 1438H/2017M Peringkat Negeri Perak

KUALA KANGSAR, Sabtu, 8 Julai 2017: Lembaga Tabung Haji (**TH**) hari ini menganjurkan Kursus Perdana Haji Musim 1438H/2017M peringkat Negeri Perak bermula Sabtu, 8 Julai 2017 sehingga esok, 9 Julai 2017.

Majlis perasmian Kursus Perdana Haji Musim 1438H/2017M Peringkat Negeri Perak ini disempurnakan oleh YAB. Dato' Seri DiRaja Dr. Zambry bin Abd. Kadir, Menteri Besar Perak bertempat di Dewan Jubli Perak, di sini. Kursus ini melibatkan lebih daripada **2,800 orang peserta** di seluruh Negeri Perak. Turut hadir pada majlis tersebut, YBhg. Dato' Badlisyah bin Abdul Ghani, Timbalan Ketua Pegawai Eksekutif **TH**.

Kursus Perdana Haji yang diadakan secara berperingkat di **17** lokasi seluruh Negara bermula pada **7 Julai sehingga 16 Julai 2017** ini merupakan kursus terakhir dianjurkan **TH** dalam usaha meningkatkan tahap pengetahuan jemaah haji berkaitan ibadah haji terutamanya dari segi praktikal serta platform untuk memberikan maklumat terkini sebelum mereka berangkat ke Tanah Suci.

Kursus ini dijalankan dengan bimbingan dan tunjuk ajar oleh lebih **120 orang** Pengkursus Ibadat Haji Tanah Air (PEKTA) Negeri / Daerah dan Pembimbing Ibadat Haji (PIHTAS) yang memperolehi pentauliahahan khas Mengajar Haji dan Umrah daripada **TH**. Kursus ini turut diselia lebih **600 orang** petugas haji yang akan bertugas di Tanah Suci.

Bakal jemaah diberikan pendedahan melaksanakan ibadat haji melalui latihan amali secara simulasi seperti bertawaf, saie, melontar jamrah serta amalan dan beribadah secara berkumpulan. Simulasi secara berkumpulan ini memberikan pendedahan terhadap situasi di Tanah Suci yang akan dikunjungi oleh jutaan umat Islam dari seluruh dunia.

Selain Kursus Perdana Haji, **TH** juga turut melaksanakan beberapa kursus haji seperti Kursus Asas Haji, Kursus Intensif Haji dan Kursus Khas Haji bagi warga emas. Kursus-kursus ini merupakan antara program pendidikan dan bimbingan yang disediakan oleh **TH** secara percuma dalam membantu meningkatkan pengetahuan khususnya ibadah haji kepada bakal jemaah Malaysia. Penganjuran kursus-kursus ini melibatkan anggaran kos **RM5 juta** seluruh Negara dan merupakan antara program tanggungjawab sosial korporat (CSR) **TH**.

Selain daripada itu, bakal jemaah haji juga dinasihatkan untuk membuat segala persediaan lain untuk ke Tanah Suci seperti memantapkan stamina diri dengan melakukan aktiviti riadah dan kecergasan, penjagaan kesihatan melalui pemakanan dan pengambilan vitamin serta penyediaan barangan keperluan yang mencukupi seperti yang disarankan oleh **TH**. Sepanjang berada di Tanah Suci, bakal haji juga dinasihatkan untuk mematuhi peraturan oleh **TH** dan pihak kerajaan Arab Saudi demi kebaikan bersama.

-Tamat-

*Untuk senarai penuh lokasi dan tarikh penganjuran Kursus Perdana Haji seluruh negara, sila rujuk lampiran.

Lembaga Tabung Haji

Lembaga Tabung Haji (**TH**) adalah sebuah badan berkanun yang diperbadankan di bawah Akta Lembaga Tabung Haji, 1995 (Akta 535). Aktiviti utama **TH** adalah dalam pengurusan haji, tabungan dan pelaburan. Antara sektor pelaburan terasnya adalah kewangan Islam, perladangan, hartanah, pembinaan, teknologi maklumat, minyak & gas, hospitaliti, perkhidmatan dan makanan halal. **TH** mempunyai 125 buah cawangan di seluruh negara dan satu cawangan di Jeddah, Arab Saudi. Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre ditalian 03-6207 1919.

LAMPIRAN

JADUAL KURSUS PERDANA HAJI MUSIM HAJI 1438H/ 2017M

BIL	TARIKH	NEGERI/ TEMPAT
1.	07 Julai 2017 - 08 Julai 2017 (Jumaat-Sabtu)	JOHOR Masjid Sultan Iskandar, Bandar Dato' Onn
2.	07 Julai 2017 - 08 Julai 2017 (Jumaat-Sabtu)	TERENGGANU Taman Tamadun Islam (TTI), Kuala Terengganu
3.	08 Julai 2017 - 09 Julai 2017 (Sabtu-Ahad)	PAHANG Masjid Sultan Ahmad 1, Kuantan
4.	08 Julai 2017 - 09 Julai 2017 (Sabtu-Ahad)	WILAYAH PERSEKUTUAN Masjid Khalid Al-Walid, Jln Pdg Tembak
5.	08 Julai 2017 - 09 Julai 2017 (Sabtu-Ahad)	MELAKA Masjid Al-Alami MITC, Ayer Keroh
6.	08 Julai 2017 - 09 Julai 2017 (Sabtu-Ahad)	PERAK Dewan Jubli Perak, Kuala Kangsar
7.	08 Julai 2017 - 09 Julai 2017 (Sabtu-Ahad)	SABAH (Zon Pantai Barat) Universiti Malaysia Sabah
8.	08 Julai 2017 - 09 Julai 2017 (Sabtu-Ahad)	PERLIS Institut Kemahiran Mara, Beseri
9.	08 Julai 2017 - 09 Julai 2017 (Sabtu-Ahad)	SARAWAK Zon Selatan (Kuching, Samarahan & Sri Aman) Dwn Jubli UiTM Kampus Samarahan (Kampus 1) Kota Samarahan
10.	08 Julai 2017 - 09 Julai 2017 (Sabtu-Ahad)	SELANGOR Masjid Sultan Salahuddin Abdul Aziz Shah (Masjid Negeri) Shah Alam
11.	14 Julai 2017 - 15 Julai 2017 (Jumaat-Sabtu)	KELANTAN Universiti Sains Malaysia (USM) Kubang Kerian
12.	14 Julai 2017 - 15 Julai 2017 (Jumaat-Sabtu)	KEDAH Dewan Wawasan, Kompleks Pentadbiran Daerah Kubang Pasu Jitra
13.	15 Julai 2017 - 16 Julai 2017 (Sabtu-Ahad)	NEGERI SEMBILAN Masjid Kariah Taman Paroi Jaya, Seremban
14.	15 Julai 2017 - 16 Julai 2017 (Sabtu-Ahad)	SARAWAK Zon Tengah (Sarikei, Sibul & Mukah) Masjid An-Nur Sibul
15.	15 Julai 2017 - 16 Julai 2017 (Sabtu-Ahad)	SARAWAK Zon Utara (Limbang, Miri & Bintulu) Masjid Darul Istiqamah, Kampong Luak, Miri
16.	15 Julai 2017 - 16 Julai 2017 (Sabtu-Ahad)	PULAU PINANG Dewan Millenium, Kepala Batas
17.	15 Julai 2017 - 16 Julai 2017 (Sabtu-Ahad)	SABAH (Zon Pantai Timur) Masjid Al-Kauthar Tawau

*Bakal Haji mohon menghubungi wakil **TH** berkaitan surat panggilan haji dan menyemak dengan pejabat **TH** cawangan terdekat untuk maklumat terkini.